



JABATAN WAKAF, ZAKAT DAN HAJI (JAWHAR)
MALAYSIA

JURNAL PENGURUSAN JAWHAR

Vol. 11, No. 2, 2017
ISSN 1985-2010

KANDUNGAN

UNDANG-UNDANG PEMBANGUNAN TANAH PERTANIAN MENURUT PERSPEKTIF ISLAM: TINJAUAN TERHADAP DASAR PERTANIAN NEGARA (DPN)

*Mohd Borhanuddin bin Zakaria, Dr Roslan Bin Abd Rahman, Dr Abd Soma Bin Thoarlim,
Juairiah binti Hasan*

TAWAF BAGI WANITA KETIKA HAID MENURUT IBN TAIMIYYAH

Mohammad Nidzam bin Abdul Kadir

MAQASID SYARIAH DALAM PENGAGIHAN ZAKAT ASNAF AL-GHARIMIN DI INSTITUSI-INSTITUSI ZAKAT DI MALAYSIA

Halim bin Ismail Profesor Madya Dr. Mohd Noor bin Daud

ORGANISATIONAL CULTURE 'BRIEF STUDY ON JAWHAR'

Mohd Faizal Ab. Hamid

CADANGAN PEMBIAYAAN KOS RAWATAN PESAKIT KANSER MELALUI DANA SADAQAH CROWDFUNDING: KAJIAN KES DI KUALA TERENGGANU, TERENGGANU

Siti Nur Fatin Atirah Rosli, Hairunnizam Wahid, Mohd Ali Mohd Nor

KREATIVITI TAMADUN MANUSIAWI DALAM CITRA TRADISI NABAWI

Muhammad Azizan bin Abdullah

JURNAL

JABATAN WAKAF, ZAKAT DAN HAJI (JAWHAR)
JABATAN PERDANA MENTERI



CERTIFIED TO ISO 9001:2008
CERT NO.: AR 5128



CERTIFIED TO ISO 9001:2008
CERT NO.: MY-AR 5128



CERTIFIED TO MS 9001:2005
CERT NO.: AR 5129

Jabatan Wakaf, Zakat dan Haji (JAWHAR)
Jabatan Perdana Menteri
www.jawhar.gov.my

Cetakan pertama 2017

Hak Cipta Terpelihara

Tidak dibenar dikeluarkan semula mana-mana bahagian artikel atau isi kandungan di dalam apa sahaja bentuk atau dengan apa-apa cara tanpa kebenaran berjalin dengan Ketua Editor, Jabatan Wakaf, Zakat dan Haji (JAWHAR).

Skop

Jurnal pengurusan JAWHAR diterbitkan dua kali setiap tahun dan ianya merupakan jurnal pengurusan yang dihasilkan untuk menggalakkan penyelidikan dan penyampaian maklumat yang efisien dan dinamik. Jurnal ini mengumpulkan pelbagai jenis artikel daripada pelbagai aspek pembangunan pengurusan dan cara praktis yang sesuai untuk pentadbiran institusi wakaf, zakat, mal dan haji serta pengurusan umum negara. Kriteria penilaian adalah berdasarkan hasil kerja penulisan asal yang belum pernah diterbitkan dan mempunyai nilai-nilai applied yang wajar diketengahkan dalam usaha penambahan baik pengurusan serta pengukuhan institusi wakaf, zakat, mal dan haji.

Tanggungjawab kepada fakta dan pandangan dalam artikel-artikel ini adalah terletak secara eksklusif keatas penulis semata-mata. Penghujahan mereka tidak semestinya menggambarkan pandangan atau polisi JAWHAR maupun Kerajaan Malaysia.

Diterbitkan oleh:

Jabatan Wakaf, Zakat dan Haji (JAWHAR)
Aras 8-9, Blok D,
No.3, Jalan Tun Abdul Razak,
Kompleks Islam Putrajaya, Presint 3,
62100 Putrajaya
⌚: 603-8883 7400 ⚽: 603-8883 7406

Dicetak oleh:

PRODUKSI NUR-JOHAN SDN.BHD. (396771-M)

Ibu Pejabat & Kilang :

5A & 7A, Jalan Perindustrian Silibin 1,
Kawasan Perindustrian Ringan Silibin,
30100 Ipoh, Perak Darul Ridzuan, MALAYSIA.
⌚: +00 605-527 7808/1808 / 019-571 8288
⌚: +00 605-528 3808
⌚: aldanurjohan@yahoo.com

JURNAL PENGURUSAN JAWHAR

KANDUNGAN

Kata Aluan Ketua Editor

**UNDANG-UNDANG PEMBANGUNAN TANAH PERTANIAN
MENURUT PERSPEKTIF ISLAM: TINJAUAN TERHADAP
DASAR PERTANIAN NEGARA (DPN)**

*Mohd Borhanuddin bin Zakaria, Dr Roslan Bin Abd Rahman,
Dr Abd Soma Bin Thoarlim, Juairiah binti Hasan*

**TAWAF BAGI WANITA KETIKA HAID MENURUT IBN
TAIMIYYAH**

Mohammad Nidzam bin Abdul Kadir

**MAQASID SYARIAH DALAM PENGAGIHAN ZAKAT ASN
AL-GHARIMIN DI INSTITUSI-INSTITUSI ZAKAT DI
MALAYSIA**

Halim bin Ismail Profesor Madya Dr. Mohd Noor bin Daud

ORGANISATIONAL CULTURE ‘BRIEF STUDY ON JAWHAR’

Mohd Faizal Ab. Hamid

51-59

**CADANGAN PEMBIAYAAN KOS RAWATAN PESAKIT
KANSER MELALUI DANA SADAQAH CROWDFUNDING:
KAJIAN KES DI KUALA TERENGGANU, TERENGGANU**

*Siti Nur Fatin Atirah Rosli, Hairunnizam Wahid, Mohd Ali Mohd
Nor*

60-88

**KREATIVITI TAMADUN MANUSIAWI DALAM CITRA
TRADISI NABAWI**

Muhammad Azizan bin Abdullah

89-104



ABSTRACT

This study is aimed at describing the implementation of zakat distribution on asnaf al-Gharimin in zakat institutions in Malaysia based on maqasid syariah. This study uses qualitative methods and analyzes using inductive, deductive and comparative methods. Studies show that zakat institutions in Malaysia have implemented zakat distribution on asnaf al-Gharimin based on maqasid syariah. Improvement in terms of the distribution of Maqasid syariah based on the distribution of the distribution is very important to overcome the problem of asnaf al-Gharimin in the institutions of zakat in Malaysia. This study implies the implementation of zakat distribution on asnaf al-Gharimin by zakat institutions in Malaysia.

Key Words: Distribution of Zakah, Maqasid Syariah, Asnaf Al-Gharimin, Institution of Zakah

Pendahuluan

Maqasid syariah merupakan perkara yang sangat penting bagi membawa perspektif baharu di dalam bidang syariah untuk mencapai kemaslahatan ummah. Hal ini kerana, antara faktor berlakunya kejumudan di dalam bidang fiqh adalah disebabkan oleh faktor kelalaian dan pengabaian terhadap *maqasid syariah* dalam kalangan para ulama.³

Hukum-hukum syarak, fatwa-fatwa dan ijtihad ulama tersebar ke seluruh dunia. Walaupun begitu, hukum *fiqh* daripada fatwa-fatwa dan ijtihad-ijtihad tersebut adalah selari dengan *maqasid syariah*. Perbezaan yang wujud hanyalah tafsiran dan kefahaman ulama mengenai beberapa ‘illah al-hukm. Hakikatnya kewujudan *maqasid syariah* dalam sesuatu hukum adalah sesuatu yang pasti dan tidak dapat dinafikan.⁴

3 Ibn ‘Asyūr, Muhammad Tāhir (2001) *Maqasid al-Syari‘ah al-Islamiyyah*, Ammān : Dar al-Nafāis. Jil. 1. h.28

4 Al-Ghazālī, Muhammad Abū Hamid.(505H). *al-Mustasfā*. Beirut: Darul Ihya’ al-Turāth al-‘Arabi. Jil.2, h. 285; Ibn Rusyd al-Qurtubī al-Andalūsī, Abū al-Walīd Muhammad ibn Ahmad. (1371H). *Bidāyah al-Mujtahid Wa Nihāyah al-Muqtasid*. Kaherah: Matba‘ah al-Istiqlām. Jil. 2, h. 353-354

Pengertian Maqasid Syariah

Dari sudut bahasa Arab, perkataan *maqasid* merupakan kata jamak *maqsad* bererti lurus, berjimat cermat, sederhana, menuju kepada sesuatu, bermaksud atau berniat. Maksud *maqasid* yang paling sesuai di sini ialah tujuan, maksud atau objektif.⁵ Syariah berasal dari kata kerja *syara'a* membawa erti mengambil air dengan mulut, mula melakukan sesuatu, dekat dengan jalan, meninggikan sesuatu dan menetapkan atau menjelaskan sesuatu.⁶ Daripada segi istilah, *Maqasid syariah* didefinisikan sebagai memahami matlamat daripada syariah dan rahsia dalam perkara yang telah ditetapkan oleh syarak dalam setiap hukum.⁷

Maqasid Syariah Dalam Pengagihan Zakat

Maqasid syariah dalam pengagihan zakat adalah berdasarkan kepada prinsip-prinsip syariah yang terkandung di dalam *al-Daruriyyat al-Khams* iaitu untuk memelihara agama, nyawa, akal, keturunan dan harta. Memelihara kelima-lima perkara ini bukan sahaja disepakati oleh agama Islam sahaja, bahkan agama-agama lain turut mengakui kepentingannya.⁸

1. Memelihara Agama

Objektif utama pengagihan zakat di dalam Islam adalah untuk memelihara agama. Pengagihan zakat kepada asnaf akan dapat mencapai objektif untuk memelihara agama menerusi program-program pembangunan agama yang dilaksanakan. Antaranya ialah program pembangunan institusi-institusi keagamaan, program-program pengembangan dakwah dan program-program yang dapat meninggikan syiar Islam untuk kemaslahatan ummah.⁹

Agama lebih utama dipertahankan daripada nyawa, akal, keturunan dan harta. Oleh itu, Allah SWT telah mensyariatkan jihad di jalan-NYA demi mempertahankan agama dan akidah Islam daripada dinodai musuh-

⁵ Al-Fayyūmī, Ahmad ibn Muhammad (1987) *al-Misbāh al-Munīr fi Ghārīb al-Syarh al-Kabīr* ,Jil. 7. Lubnan: Al-Maktabah al-Ilmiyyah. h. 412 ; Ibrāhīm Mustafa et. al (1998) *al-Mu'jam al-Wāsīt* . Kaherah: Maktabah al-Šuyrūq al-Dauliyah. h. 738

⁶ Ibrahim Mustafa et. al (1998) *op.cit.* h. 479

⁷ Al-Fāsi, 'Alal (2011). *Maqāsid al-Šyari'ah al-Islamiyyah Wamākarīmuha*. Kaherah: Dar al-Salam. h. 111

⁸ Al-Syatibī, Abū Ishāq (1991). *al-Muwafaqat fi Usul al-Syari'ah*. Beirut: Dar al-Kutub al-'Ilmiyah,Jil. 2. h. 287

⁹ Azman Ab Rahman, Muhammad Ridhwan Ab Aziz. (2016). *Pembasmian Kemiskinan Berdasarkan Maqasid Syariah*.Nilai : Penerbit USIM.h.103.

musuh Islam. Bahkan mereka yang murtad atau keluar daripada naungan agama Islam dengan menganut agama lain, hukum yang layak baginya ialah hukuman bunuh selepas *istitāb* (diminta agar bertaubat).¹⁰

2. Memelihara Nyawa

Memelihara nyawa individu adalah berada pada peringkat *daruriyat*. Hal ini terlaksana menerusi agihan zakat terhadap seseorang yang ditimpa musibah dan memerlukan bantuan segera seperti asnaf *al-Gharimin*. Ini dijelaskan di dalam hadis Rasulullah SAW

daripada Abī Sāid al-Khudri:

أصيَّرْ جُلُّ فِي عَهْدِ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي يَمَّارِ ابْنَاهُ فَكَثُرَ ذِيَّنَهُ قَدَّالَ رَسُولُ اللَّهِ صَلَّى اللَّهُ عَلَيْهِ وَسَلَّمَ تَصَدَّقُوا عَلَيْهِ فَتَصَدَّقَ النَّاسُ عَلَيْهِ فَلَمْ يَنْلَغْ ذَلِكَ وَفَاءَ ذِيَّنَهُ قَدَّالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لِعُرْمَانِهِ حَذَوْا مَا وَجَذَّنُمْ وَلَيْسَ لَكُمْ إِلَّا ذَلِكَ¹¹

Terjemahannya: Seorang lelaki ditimpa musibah pada buah-buahan yang dibelinya sewaktu zaman Rasulullah SAW sehingga ditimpa hutang yang banyak. Lalu Rasulullah SAW bersabda: Bersedekahlah kepadanya (untuk menampung hutangnya). Lalu para sahabat memberikan sedekah (zakat) kepadanya. Tetapi jumlah yang diberi tidak mencukupi. Lalu Baginda SAW bersabda kepada para pemutang: Ambillah apa sahaja yang kalian dapat (daripada zakat yang dikumpulkan itu) dan tidak ada lagi bagi kalian kecuali (zakat) itu.

Umat Islam yang diusir dari tanah air mereka dan gelandangan yang tidak memiliki kediaman juga merupakan antara asnaf yang turut menerima ancaman nyawa. Terdapat penduduk di negara-negara umat Islam yang tiada kediaman menyebabkan mereka menjadi gelandangan di tepi-tepi jalan-jalan raya. Golongan ini dinamakan dengan ‘*abna’al-sabil*’ kerana kehidupan mereka di tepi-tepi jalan raya.¹¹ Agihan zakat terhadap golongan ini merupakan bantuan yang akan dapat membebaskan mereka daripada ancaman nyawa yang dihadapi.

10 *Ibid.* h.98.

11 Al-Qaradawī, Yūsuf. (1999). *Fiqh al-Zakāh Dīrāsah Muqāranah Li Ahkāmihā Wa Falsafatihā Fi Daw’ al-Qurān Wa al-Sunnah*. Beirut: Mu’assasah al-Risālah. Jil.2. h. 684

3. Memelihara Akal

Maqasid syariah dalam pengagihan zakat juga ialah untuk memelihara akal manusia; Memelihara akidah dan menyucikan fikrah manusia adalah sangat penting bagi menghubungkan manusia dengan Allah SWT agar matlamat hidup seseorang muslim itu jelas berlandaskan *maqāsid* yang sebenar.¹² Pendidikan merupakan keperluan asas (*daruri*) bagi setiap insan. Oleh itu, untuk memenuhi keperluan ini, ia memerlukan kewangan yang berterusan. Terdapat golongan yang kurang berasib baik dari segi kewangan untuk meneruskan pelajaran seperti golongan asnaf fakir dan miskin yang hanya bergantung harap kepada zakat pendidikan untuk melunaskan yuran persekolahan dan mendapatkan bantuan persekolahan.¹³

4. Memelihara Keturunan

Maqasid syariah dalam agihan zakat adalah untuk memelihara keturunan. Termasuk juga di dalam usaha untuk memelihara keturunan ialah dengan menjaga hak-hak keluarga sebagai penerusan generasi manusia. Memelihara maruah pula bermaksud memelihara kemuliaan manusia yang merupakan pelengkap kepada pemeliharaan keturunan. Dalam konteks semasa, inisiatif ini meliputi peruntukan undang-undang kekeluargaan, pemeliharaan ibu-ibu mengandung dan kanak-kanak menerusi pemeriksaan di klinik-klinik, penubuhan rumah-rumah anak yatim dan sekatan terhadap perkara-perkara yang boleh menimbulkan gejala-gejala buruk seperti ancaman terhadap keutuhan keluarga.¹⁴

5. Memelihara Harta

Dari sudut *ījābī*, zakat berfungsi untuk meningkatkan ekonomi dengan merapatkan jurang perbezaan antara golongan kaya dan golongan miskin. Zakat bukan hanya berperanan sebagai instrumen memerangi kefakiran dan kemiskinan dalam jangka masa pendek, tetapi lebih dari itu adalah untuk memperluaskan pemilikankekayaan dalam jangka masa panjang.

12 *Ibid.* h. 884

13 Azman Ab Rahman, Siti Martiah Anwar. (2014). Dana Zakat dalam Pendidikan Asnaf dan Sumbangannya Terhadap Ekonomi Malaysia. Dalam Persidangan Kebangsaan Ekonomi Malaysia ke-9 (PERKEM ke-9) "Urus Tadbir Ekonomi yang Adil : Ke Arah Ekonomi Berpendapatan Tinggi" Kuala Terengganu, Terengganu, 17 – 19 Oktober 2014. h. 1.

14 Muhammad Yusuf Khalid, Mohd Rumaizuddin Ghazali dan Dzulkifli Abdul Razak. (2015). *Kepemimpinan Lestari Berasaskan Maqasid Syariah*. Nilai: Penerbit USIM.. h. 32

Caranya adalah dengan mengubah taraf kehidupan golongan miskin menjadi golongan yang lebih berkemampuan sepanjang hidup mereka.¹⁵

Pengertian *Al-Gharimin*

Al-Gharimin ialah orang yang berhutang untuk maslahat dirinya sendiri, pada perkara yang baik dan bukannya maksiat, kemudian dia tidak mampu untuk membayarnya balik sama ada dengan menukarnya dengan barang miliknya atau dengan wang. Mereka diberikan zakat agar dapat melunaskan hutangnya di atas faktor ketidakmampuannya. Termasuk dalam golongan asnaf *al-Gharimin* juga ialah golongan yang berhutang kerana melaksanakan tanggungjawab mendamaikan hubungan sesama manusia. Golongan ini diberikan zakat pada kadar yang mencukupi baginya sehinggalah hutang mereka dapat dilangsaikan.¹⁶

Pengagihan Zakat Terhadap Asnaf *Al-Gharimin* Di Institusi-Institusi Zakat Di Malaysia Berdasarkan *Maqasid Syariah*

Jadual 1 di bawah menunjukkan agihan zakat asnaf *al-Gharimin* berdasarkan *maqasid syariah* di institusi-institusi zakat di Malaysia. Sebanyak lima buah institusi zakat dipilih iaitu Majlis Agama Islam Dan Adat Istiadat Negeri Kelantan (MAIK), Majlis Agama Islam Melaka (MAIM), Zakat Pulau Pinang (ZPP), Pusat Zakat Sabah (PZS) dan Lembaga Zakat Selangor (LZS).¹⁷

15 Al-Qaradāwī, Yūsuf .(1999). *op.cit*.Jil. 2. h. 888

16 Al-Syāfi`e, Muhammad Ibn Idris.(1961M). *Al-Umm*. Kaherah: Maktabah al-Kulliyāt. Jil. 2, h. 97

17 Institusi-institusi zakat ini akan menggunakan perkataan ringkas dalam penerangan selanjutnya, iaitu Majlis Agama Islam Dan Adat Istiadat Negeri Kelantan (MAIK), Majlis Agama Islam Melaka (MAIM), Zakat Pulau Pinang (ZPP), Pusat Zakat Sabah (PZS) dan Lembaga Zakat Selangor (LZS).

Jadual 1
**Agihan Zakat Asnaf al-Gharimin Berdasarkan Maqasid Syariah di
Institusi-Institusi Zakat di Malaysia**

Al-Daruriyat al-Khams	Bentuk bantuan	Institusi Zakat
Memelihara Agama	Skim Bantuan Hutang Institusi/ Badan/ Persatuan Kerana Permasalahan Ummah	ZPP, LZS
	Skim Bantuan Hutang Aktiviti Kemasyarakatan	MAIM
	Skim Pengurusan Jenazah Tanpa Waris	PZS, LZS
	Bantuan Membina Masjid Dan Surau	MAIM
	Skim Bantuan Hutang Pengurusan Anak Yatim	MAIM
	Bantuan Membaikpulih Masjid Dan Surau	PZS

Memelihara Jiwa dan Nyawa	Skim Bantuan Hutang Kerana Keperluan Asasi Diri	MAIK, MAIM, LZS
	Skim Bantuan Kesusahan Berat	ZPP
	Skim Bantuan Hutang Perubatan	MAIM, ZPP MAIK
	Skim Bantuan Pembedahan Kronik	ZPP
	Skim Hutang Dialisis	LZS, PZS
	Bantuan Tiket Penerbangan Pesakit, Pengiring Pesakit, Alat Ganti Anggota Badan (Palsu), Bantuan Alat Perubatan / Sokongan Hayat	PZS
	Bantuan Bencana Alam	MAIM, PZS
	Bantuan Sara Hidup Sementara	PZS
Memeliha Akal	Sumbangan Kepada Sekolah Agama Rakyat (SAR), Maahad Tahfiz.	PZS
	Skim Bantuan Yuran Sijil Tinggi Agama Malaysia (STAM)	ZPP
	Hutang Pengajian	MAIK, MAIM, PZS
Memeliha Keturunan	Hutang Orang Yang Hendak Berkahwin Tetapi Menghadapi Kesulitan Kewangan	MAIM
	Hutang Keperluan Asasi Bagi Tanggungan	MAIM

Memelihara Harta	Skim Bantuan Hutang Kerana Keperluan Asasi Diri	LZS
	Hutang Akibat Bencana Alam	MAIM, PZS
	Hutang Sewa Rumah	MAIK, PZS
	Hutang Membina Rumah	PZS
	Hutang Utiliti	MAIK, PZS

Sumber: Diadaptasi daripada Institusi-Institusi Zakat di Malaysia¹⁸

Berdasarkan jadual di atas, bentuk-bentuk agihan zakat asnaf *al-Għarimin* dilaksanakan secara berbeza-beza oleh institusi-institusi zakat di Malaysia. Terdapat bentuk agihan yang dilaksanakan oleh kesemua institusi-institusi tersebut seperti bantuan hutang asasi dan bantuan hutang perubatan. Walau bagaimanapun, terdapat juga bantuan-bantuan yang dilaksanakan oleh institusi-institusi zakat tertentu sahaja seperti bantuan hutang sewa rumah, baik pulih rumah, pengurusan jenazah dan sebagainya.

Bilangan jenis bantuan yang dilaksanakan oleh institusi-institusi zakat pula menunjukkan agihan yang tidak seimbang di antara kepentingan *al-Daruriyat al-khams*. Berdasarkan jadual di atas, dapat dirumuskan bahawa bilangan skim agihan zakat bagi memelihara agama dalam kalangan asnaf *al-Għarimin* adalah kurang ditawarkan oleh institusi-institusi zakat berbanding skim bagi memelihara jiwa dan nyawa, sedangkan berdasarkan *al-Daruriyat al-Khams*, pemeliharaan agama lebih utama didahulukan berbanding nyawa dan jiwa. Oleh itu bentuk-bentuk bantuan berkaitan pemeliharaan agama perlu lebih diperbanyak oleh institusi-institusi zakat di Malaysia.

¹⁸ Rujuk Majlis Agama Islam dan Adat Resam Melayu Kelantan MAIK (t.t) *Kertas Dasar Agihan Zakat MAIK*; Bahagian Zakat Majlis Agama Islam Melaka (t.t) *Panduan Asas Agihan Zakat Negeri Melaka*; Zakat Pulau Pinang (t.t) *Brosur Program Agihan Zakat Pulau Pinang MAINPP*; Pusat Zakat Sabah, Majlis Ugama Islam Sabah (t.t) *Pengurusan Zakat di Negeri Sabah: Pengurusan Kutipan dan Agihan Zakat di Negeri Sabah*; Lembaga Zakat Selangor (2015) *Laporan Pengurusan Zakat Selangor: Budi Disemai Bakti Dituai*. Shah Alam : Lembaga Zakat Selangor

Begitu juga bilangan skim agihan zakat bagi memelihara akal adalah kurang berbanding skim-skim bagi memelihara keturunan dan harta dalam kalangan asnaf *al-Gharimin*. Hal ini kerana memelihara akal adalah lebih utama berbanding memelihara keturunan dan harta berdasarkan *al-Daruriyat al-Khams* di dalam *maqasid syariah*.

Rumusan

Keperluan masa kini menuntut kepada pengagihan zakat secara lebih sistematis, daripada hanya bertujuan untuk memenuhi keperluan sara diri asnaf, kepada keperluan untuk diagihkan secara lebih produktif. Objektif agihan zakat berdasarkan *maqāsid syariah* memperlihatkan kepada keperluan bentuk-bentuk baharu agihan bagi tujuan meningkatkan tahap amalan beragama, kekuatan jiwa, tahap pemikiran dan pendidikan, sistem kekeluargaan dan ekonomi umat Islam. Hal ini sangat penting kerana melalui agihan ini, asnaf bukan sahaja dapat keluar daripada keperluan hidup, malah lebih jauh daripada itu ialah mereka turut menjadi penyumbang zakat pada masa akan datang.

Perbahasan ulama berkaitan *maqāsid syariah* menyumbang kepada inovasi pelbagai kaedah agihan zakat secara lebih berkesan terhadap asnaf. Walau bagaimanapun, pada masa yang sama kaedah-kaedah ini masih berlandaskan al-Quran dan Sunah Rasulullah SAW. Aspek-aspek yang digariskan oleh *maqasid syariah* perlu diambil kira oleh institusi-institusi zakat agar pelaksanaan agihan terhadap asnaf dapat dilakukan secara lebih berkesan bagi menepati keperluan kehidupan umat Islam.

Pelaksanaan skim-skim agihan zakat berdasarkan *maqasid syariah* pula adalah sangat penting untuk diberi perhatian oleh institusi-institusi zakat. Hal ni bagi memastikan pengagihan zakat terhadap asnaf *al-Gharimin* bukan sahaja memenuhi kehendak syarak dan berjaya mengeluarkan asnaf daripada masalah yang dihadapi, malah pada masa yang sama turut dapat meningkat kepercayaan masyarakat terhadap institusi-institusi zakat.

Rujukan

Abī Dā'ūd Sulaimān Ibn al-Asy'ath al-Sajistānī.(1424H). *Sunan Abī Dā'ūd*. Riyad: Maktabah al-Ma'ārif

Al-Fasī, 'Alal (2011). *Maqāsid al-Syari'ah al-Islamiyyah Wamākarīmuha*. Kaherah: Dar al-Salam

Al-Fayyūmī, Ahmad ibn Muhammad (1987) *al-Misbāh al-Munīr fi Gharīb al-Syarh al-Kabīr*. Lubnan: Al-Maktabah al-'Ilmiyyah

Al-Ghazālī, Muhammad Abū Hamid.(505H). *al-Mustasfā*. Beirut: Darul Ihya' al-Turāth al-'Arabī

Al-Nisabūrī, Abū Husain al-Muslim Ibn al-Hajāj al-Qusyairy. (1992). *Al-Jāmī' al-Sāhih*, Kaherah: Dar al-Fikr

Al-Qaradāwī, Yūsuf. (1999). *Fiqh al-Zakāh Dirāsah Muqāranah Li Ahkāmihā Wa Falsafatihā Fi Daw' al-Qurān Wa al-Sunnah*. Beirut: Mu'assasah al-Risālah

Al-Syāfi'e, Muhammad Ibn Idrīs.(1961M). *Al-Umm*. Kaherah: Maktabah al-Kulliyāt

Al-Syatibī, Abū Ishāq (1991). *al-Muwāfaqāt fi Usūl al-Syari'ah*. Beirut: Dar al-Kutub al-'Ilmiah

Azman Ab Rahman, Muhammad Ridhwan Ab Aziz. (2016). *Pembasmian Kemiskinan Berdasarkan Maqasid Syariah*. Nilai : Penerbit USIM

Azman Ab Rahman, Siti Martiah Anwar. (2014). Dana Zakat dalam Pendidikan Asnaf dan Sumbangannya Terhadap Ekonomi Malaysia. Dalam Persidangan Kebangsaan Ekonomi Malaysia ke-9 (PERKEM ke-9) "Urus Tadbir Ekonomi yang Adil : Ke Arah Ekonomi Berpendapatan Tinggi" Kuala Terengganu, Terengganu, 17 – 19 Oktober 2014

Bahagian Zakat Majlis Agama Islam Melaka (t.t) *Panduan Asas Agihan Zakat Negeri Melaka*

Ibn 'Asyūr, Muhammad Tāhir (2001) *Maqāsid al-Syari'ah al-Islamiyyah*,

Ammān : Dar al-Nafāis

Ibn Mājah, Abī ‘Abdullah Muhammad Ibn Yazīd. (1417H). *Sunan Ibn Mājah*. Riyād: Maktabah al-Muta‘ārif

Ibn Rusyd al-Qurtūbī al-Andalūsī, Abū al-Walīd Muhammad ibn Ahmad, (1371H). *Bidāyah al-Mujtahid Wa Nihāyah al-Muqtasid*. Kaherah: Makbatah al-Istiqamah

Ibrahīm Mustafa et. al (1998) *al-Mu’jam al-Wasīt*. Kaherah: Maktabah al-Syurūq al-Dauliyyah

Lembaga Zakat Selangor (2015) *Laporan Pengurusan Zakat Selangor: Budi Disemai Bakti Dituai*. Shah Alam : Lembaga Zakat Selangor
Majlis Agama Islam dan Adat Resam Melayu Kelantan MAIK (t.t) *Kertas Dasar Agihan Zakat MAIK*

Muhammad Nasiruddin (1420H) *Sahih wa Da’if Sunan Ibn Mājah*. Iskandariah

Muhammad Yusuf Khalid, Mohd Rumaizuddin Ghazali dan Dzulkifli Abdul Razak. (2015). *Kepemimpinan Lestari Berasaskan Maqasid Syariah*. Nilai: Penerbit USIM

Pusat Zakat Sabah, Majlis Ugama Islam Sabah (t.t) *Pengurusan Zakat di Negeri Sabah: Pengurusan Kutipan dan Agihan Zakat di Negeri Sabah*
Zakat Pulau Pinang (t.t) *Brosur Program Agihan Zakat Pulau Pinang MAINPP*



www.jawhar.gov.my

ISSN 1985-2010



9 771985 201003

**JABATAN WAKAF, ZAKAT DAN HAJI
JABATAN PERDANA MENTERI**

Aras 8-9, Blok D,
No.3, Jalan Tun Abdul Razak,
Kompleks Islam Putrajaya, Presint 3,
62100 Putrajaya

📞 603-8883 7400

📠 603-8883 7406